



V Vualtherus ille ex nobili familia ortus, insigni animi & corporis fortitudine fuit præditus. Itaque aliquoties Cæsaris castra secutus, magnam militiæ laudem adeptus est. Postea sese ad pietatis studia contulit, atque huius mundi fastu cōtempto Deo inseruire statuit. Itaque ex bonis suis nobile illud Sueviæ monasterium Maulbrunn, anno millesimo centesimo quadragesimo octauo fundauit, atque templum & fratrum habitationes à fundamentis extruxit. in eo Guntherum præfulem Spirensis adiutorem habuit. Ibidem Theodoricum uirum eruditum & pium primum abbatem constituit, atque sese ei subiiciens laicus frater factus est. Vnde suis manibus indeliner laborauit, atque opus illud ad finem perduxit. Cum autem omnia essent finita Arnoldus Treuerensis præsul¹⁴ Maij anno 1178 templum illud quibusdam ceremonijs magna solennitate dedicauit, atque diuinū officium ibi peregit. In eo loco Vualtherus Deo magna humilitate inseruiens, tandem mortuus & sepultus quiescit. Anon,